

RESOLUCIÓN DO 15 DE NOVEMBRO DE 2023 POLA QUE SE ABRE UNHA CONVOCATORIA DO PROGRAMA IACOBUS PUBLICACIÓNS CIENTÍFICAS (PAPERS) 2023-2024.

O Programa IACOBUS é un programa de cooperación cultural, científica e pedagóxica que xorde coa intención de dar un paso máis cara a configurar un auténtico espazo de integración interrexional entre as Universidades e institucións de Ensino Superior da Eurorrexión Galicia-Norte de Portugal. IACOBUS é unha acción impulsada pola Comunidade de Traballo Galicia-Norte de Portugal que provén das prioridades definidas no Plan de Investimentos Conxuntos da Eurorrexión Galicia-Norte de Portugal 2021-2027 (PIC 21-27) e das estratexias establecidas pola Estratexia de Especialización Intelixente Transfronteiriza da Eurorrexión Galicia-Norte de Portugal (RIS3-T). Conta co apoio da Unión Europea mediante cofinanciamento do Programa INTERREG VI-A España-Portugal (POCTEP) 2021-2027, a través do proxecto 0030_RED_IACOBUS_1_E.

IACOBUS - PUBLICACIÓNS CIENTÍFICAS (PAPERS) ten como obxectivo principal fomentar a cooperación transfronteiriza en actividades de investigación e divulgación científica, a través de axudas económicas á publicación de artigos científicos e de investigación *-papers-* nalguna das revistas indexadas no *Journal Citation Report (JCR)* e/ou no *Scopus*. Trátanse dos dous indicadores de calidade máis coñecidos e máis empregados polos organismos de avaliación da actividade investigadora a escala internacional. Ambos miden o impacto da revista en función das citas recibidas polos artigos publicados.

Los artigos científicos deberán ter sido desenvolvidos por autores pertencentes ás institucións de Ensino Superior da Eurorrexión Galicia-Norte de Portugal que asinaron o *“Protocolo de Cooperación Cultural, Científica e Pedagóxica entre as Universidades e as Institucións de Ensino Superior da Eurorrexión Galicia–Norte de Portugal”* en Vigo, o día 11 de abril de 2014.

A Agrupación Europea de Cooperación Territorial Galicia–Norte de Portugal (GNP, AECT), como entidade xestora do Programa IACOBUS,

RESOLVE:

Publicar esta convocatoria do Programa IACOBUS - PUBLICACIÓNS CIENTÍFICAS (PAPERS) de acordo coas seguintes Bases:

BASES

1. REQUISITOS DOS SOLICITANTES

Poden optar a participar neste programa os docentes ou investigadores con contrato de investigación en vigor cunha Universidade ou outra institución de Ensino Superior das especificadas a continuación:

- Universidade de Santiago de Compostela.
- Universidade da Coruña.
- Universidade de Vigo.
- Universidade do Porto.
- Universidade do Minho.
- Universidade de Trás-os-Montes e Alto Douro.
- Universidade Católica Portuguesa – Centros Regionais do Porto e de Braga.
- Instituto Politécnico do Porto.
- Instituto Politécnico de Viana do Castelo.
- Instituto Politécnico de Bragança.
- Instituto Politécnico do Cávado e do Ave.

2. ORZAMENTO E PERÍODO

O Orzamento desta convocatoria do Programa IACOBUS - PUBLICACIÓNS CIENTÍFICAS é de **50.000 €**. Establécese como tope máximo da axuda 1.000 € por *paper*, repartidos ao 50% entre as institucións dos dous candidatos. Esta distribución, ben como o orzamento total do Programa IACOBUS, poderá ser modificada pola GNP, AECT en función das necesidades. A modificación publicarase na Web do Programa IACOBUS (iacobus.gnpaect.eu) e na Web da GNP, AECT (www.gnpaect.eu).

Para optar ao financiamento do Programa, o *paper* presentado na candidatura deberá estar publicado no período comprendido entre o **1 de decembro de 2022 e o 30 de novembro de 2023**, nalguna das revistas indexadas no *Journal Citation Report (JCR)* e/ou no *Scopus*, vixentes na data de presentación da candidatura.

3. REQUISITOS DA CANDIDATURA

Independentemente do número de autores do *paper*, cada candidatura deberá estar asinada por dúas persoas (os candidatos): unha dunha Universidade galega e outra dunha Universidade ou Institución de Ensino Superior do Norte de Portugal das que figuran no apartado 1 destas BASES.

Os candidatos teñen a obriga de dispor do expreso consentimento dos restantes coautores asinantes da publicación, que os autorice a presentar a devandita publicación a esta convocatoria IACOBUS.

As persoas que figuren como asinantes nunha candidatura non poderán asinar e presentar máis candidaturas na mesma convocatoria.

A documentación obrigatoria para presentar a candidatura ao Programa IACOBUS - PUBLICACIÓNS CIENTÍFICAS é a seguinte:

- Copia do DNI/CC dos candidatos;
- Copia do contrato/documento de vínculo coa Universidade ou Institución de Ensino Superior de cada candidato;
- Copia do xustificante da publicación na revista (DOI®);
- Copia dos dous xustificantes bancarios (1 por cada candidato) nos que se reflectan os datos de titularidade das contas -grupos de investigación, departamentos de universidades, universidades ou institutos politécnicos- e os IBAN nos que ingresar a axuda.
- Copia do *paper* -sen restricións idiomáticas-, acompañada do seu *abstract* nos idiomas galego, castelán ou portugués e, no seu caso, do enlace Web ao artigo.

- Declaración de autoría do *paper* asinada polos dous candidatos e no seu caso, autorización asinada de todos os coautores asinantes da publicación (ANEXO I). No caso de coautores sen sinatura dixital, deberase aportar unha declaración, vía correo electrónico, na que figure a súa identificación e a autorización para a participación na convocatoria. Esta(s) declaración(s) anexara(n)se, nun único PDF, no apartado “Información complementaria” da candidatura.

4. REQUISITOS DA PUBLICACIÓN CIENTÍFICA

A publicación científica *-paper-* presentada na candidatura deberá estar publicada no período comprendido entre o **1 de decembro de 2022 e o 30 de novembro de 2023**, nalgunha das revistas indexadas no *Journal Citation Report (JCR)* e/ou no *Scopus*, vixentes na data de presentación da candidatura. En todo caso, debe contar cun DOI®.

A publicación deberá estar asinada polo menos polos dous autores que presentan a candidatura (candidatos); os restantes autores, no caso de existir, deberán autorizar a presentación da candidatura (ANEXO I);

Non hai limite no número de coautores e asinantes de cada publicación nin tampouco restrición algunha no relativo ás súas nacionalidades, sempre que se cumpra o mínimo referido na liña anterior.

A convocatoria non contempla restricións na lingua na que se redacte a publicación, pero será obrigatorio acompañar esta publicación dun resumo *-abstract-* nos idiomas galego, castelán ou portugués.

Cada *paper* só poderá ser beneficiario do Programa IACOBUS *PAPERS* unha única vez.

5. PRESENTACIÓN E ACEPTACIÓN DE CANDIDATURAS

Esta convocatoria rexerese polos principios de publicidade, obxectividade, transparencia, igualdade, non-discriminación, eficacia e eficiencia.

A elaboración e presentación das candidaturas efectuarase unicamente a través da plataforma que o Programa IACOBUS dispón na súa páxina Web (iacobus.gnpaect.eu), a partir do **día 15 de novembro de 2023 e ata o día 15 de decembro de 2023 ás 23:59 h (hora española)**. Poderanse

empregar exclusivamente os idiomas galego, castelán ou portugués no desenvolvemento das candidaturas e na documentación esixida pola plataforma Web, agás no caso da propia publicación candidata, para a que non se contemplan restricións idiomáticas.

Non se admitirán as solicitudes presentadas fóra de prazo ou sen os anexos debidamente cubertos e asinados dixitalmente cunha sinatura dixital expedida a través dun sistema de identificación electrónica incluído na lista publicada pola Comisión Europea (LOTL) <https://esignature.ec.europa.eu/efda/tl-browser/#/screen/home>. Tampouco se admitirán as que non teñan debidamente cuberto o formulario de solicitude da plataforma Web. Os candidatos deberán solicitar aos coautores que non dispoñan de firma electrónica unha declaración coa súa identificación e o seu consentimento para a candidatura.

A presentación da solicitude implica que o interesado declara baixo a súa responsabilidade que acepta as bases da convocatoria, que todos os datos son certos e que autoriza a comprobación dos mesmos.

Se a solicitude non reúne todos os requisitos establecidos nesta convocatoria, requirirase ao interesado para que no prazo de dez días hábiles emende os erros achegando a documentación preceptiva. Se transcorrido este prazo non se corrixe satisfactoriamente a solicitude, a candidatura será excluída definitivamente. Non poderá recorrerse esta decisión da Comisión de Avaliación ata a resolución desta convocatoria.

6. SELECCIÓN DE CANDIDATOS

Ao remate do período de candidatura referido no apartado 5 destas BASES, as solicitudes serán valoradas por unha Comisión de Avaliación. A composición da Comisión é a seguinte:

- 1 Presidente: designado pola dirección da GNP-AECT;
- 3 Vogais:
 - Un representante designado polo Director Xeral de Relacións Exteriores da Xunta de Galicia;
 - Un representante designado polo Presidente da Comissão de Coordenação e Desenvolvemento Regional do Norte de Portugal (CCDR-N);

- Un representante designado pola Fundación Centro de Estudos Eurorrexionais Galicia-Norte de Portugal (FCEER) en representación da rede de Universidades da Eurorrexión;
- 1 Secretario: un traballador da GNP, AECT.

En función das solicitudes presentadas, a Comisión de Avaliación poderá decidir dar prioridade aos *papers*:

- publicados nunha revista con maior impacto, fronte a outra con menor impacto. Aos efectos desta convocatoria, consideraranse os seguintes grupos de revistas, de maior a menor impacto:
 - JCR Q1 e Q2
 - JCR Q3 e SCOPUS Q1
 - JCR Q4 e SCOPUS Q2
 - SCOPUS Q3 e Q4
- que mellor se encadren nas prioridades da Eurorrexión, fundamentalmente recollidas no PIC 21-27 e na RIS3-T;

Ademais, a Comisión tentará manter unha proporcionalidade entre os centros de educación superior incluídos no apartado 1, de xeito que se fomente a participación das distintas Universidades e Institucións de Ensino Superior da Eurorrexión Galicia-Norte de Portugal. Así mesmo, buscarase fomentar a paridade entre homes e mulleres e entre distintas áreas de coñecemento.

7. RESOLUCIÓN E NOTIFICACIÓN

A GNP, AECT publicará na Web do Programa IACOBUS (iacobus.gnpaect.eu) a relación provisional de beneficiarios e concederá un período de reclamación ou alegacións de 10 días hábiles. Tras este período, fará pública unha resolución motivada co nome dos beneficiarios, que poderá ser recorrida perante o mesmo órgano que ditou a resolución no prazo dun mes.

8. PAGAMENTO

O pagamento efectuarase única e exclusivamente ás contas bancarias pertencentes aos grupos de investigación ou departamentos de Universidades e Institucións de Ensino Superior, ou desas

institucións en función da súa organización (para seren recibidos nas partidas dos grupos ou departamentos), aos que as persoas beneficiarias do Programa IACOBUS - PUBLICACIÓNS CIENTÍFICAS estean vinculadas laboralmente.

Os beneficiarios teñen a obriga de asinar e cargar na plataforma Web do Programa IACOBUS cadanseu ANEXO II, e un documento (recibo ou xustificante bancario, no que figure o nome do titular, o IBAN e o importe ingresado) que acredite que se recibiu o pagamento. A achega destes documentos é condición indispensable para poder descargar dende a plataforma o certificado de que se formou parte do Programa IACOBUS - PUBLICACIÓNS CIENTÍFICAS.

9. OBRIGAS DOS SELECCIONADOS

Os beneficiarios do Programa IACOBUS – PUBLICACIÓNS CIENTÍFICAS aceptan que a GNP, AECT publique na Web do IACOBUS o *abstract* nunha das tres linguas oficiais da convocatoria e o enlace á revista no que sexa publicado o seu *paper*.

A participación no Programa IACOBUS - PUBLICACIÓNS CIENTÍFICAS implica que os seus beneficiarios aceptan xustificar os importes recibidos, isto é, que presentan os documentos xustificativos e recibos acreditativos do pagamento – ANEXO II e xustificante bancario-.

10. PROTECCIÓN DE DATOS

Segundo a normativa de protección de datos, infórmase a cada candidato de que os seus datos formarán parte dun ficheiro do que a GNP, AECT é responsable. Os datos dos candidatos serán tratados exclusivamente coa finalidade de incorporalos ao proceso de selección da presente convocatoria, e eventualmente para o envío de información relativa ao Programa IACOBUS e outras actuacións da GNP,AECT.

O candidato poderá exercer os seus dereitos de acceso, rectificación, cancelación e oposición dirixindo unha solicitude con copia do seu documento de identidade á GNP, AECT.

11. DISPOSICIÓN FINAL

O aproveitamento deste programa non xera ningún tipo de vínculo laboral, administrativo nin de calquera outra natureza contractual ou legal entre a GNP, AECT e os beneficiarios.



Esta convocatoria entrará en vigor o mesmo día da súa publicación, na plataforma Web do Programa IACOBUS.

LISTADO DE ANEXOS

ANEXO I: Declaración de autoría dos candidatos e autorización dos coautores para a presentación do <i>paper</i> ao Programa IACOBUS - PUBLICACIÓNS CIENTÍFICAS.....	10
ANEXO II. Modelo de xustificante de pago Programa IACOBUS - PUBLICACIÓNS CIENTÍFICAS	11

ANEXO I: Declaración de autoría dos candidatos e autorización dos coautores para a presentación do *paper* ao Programa IACOBUS - PUBLICACIÓNS CIENTÍFICAS 2023-2024.

DECLARACIÓN DE AUTORÍA DOS CANDIDATOS

Nota: É obrigatorio cubrir todos os campos do formulario e asinalo cunha sinatura dixital expedida por un sistema de identificación electrónica da lista publicada pola Comisión Europea (LOTL).

Os abaixo asinantes (Candidatos 1 e 2) declaran a autoría do *paper* de título: _____

CANDIDATO 1

NOME E APELIDOS

D.N.I. / C.C

INSTITUCIÓN

DEPARTAMENTO / GRUPO DE INVESTIGACIÓN

CANDIDATO 2

NOME E APELIDOS

D.N.I. / C.C

INSTITUCIÓN

DEPARTAMENTO / GRUPO DE INVESTIGACIÓN

SINATURA DIXITAL CANDIDATO 1

SINATURA DIXITAL CANDIDATO 2

AUTORIZACIÓN DOS COAUTORES

Nota: Cubrir e asinar os seguintes campos só no caso de existir coautores adicionais distintos aos Candidatos 1 e 2.

Os abaixo asinantes (Coautores) dan o seu consentimento aos Candidatos 1 e 2 para presentar o *paper* de título _____ á convocatoria vixente do PROGRAMA IACOBUS - PUBLICACIÓNS CIENTÍFICAS.

COAUTOR 1

NOME E APELIDOS

INSTITUCIÓN

SINATURA DIXITAL COAUTOR 1

·
·
·

COAUTOR N

NOME E APELIDOS

INSTITUCIÓN

SINATURA DIXITAL COAUTOR N

ANEXO II. Modelo de xustificante de pago Programa IACOBUS - PUBLICACIÓNS CIENTÍFICAS 2023-2024.

(Unha copia por cada beneficiario)

NOME COMPLETO do candidato:

D.N.I. / C.C:

INSTITUCIÓN:

DEPARTAMENTO / GRUPO DE INVESTIGACIÓN:

Declara:

Que o departamento, grupo de investigación ou universidade no que desenvolve a súa actividade investigadora recibiu a cantidade de _____ € pola súa participación no Programa IACOBUS - PUBLICACIÓNS CIENTÍFICAS como coautor do *paper* de título:

Sinatura dixital
(Beneficiario do IACOBUS)

Data: En _____ a DD/MM/AAAA.

Nota: É obrigatorio cubrir todos os campos do formulario e asinalo cunha sinatura dixital expedida por un sistema de identificación electrónica da lista publicada pola Comisión Europea (LOTL).